

**IZVJEŠTAJ O REALIZACIJI MJERA IZ OPERATIVNOG  
PLANA**

**za implementaciju Socijalnog sporazuma 2009-2010 god. i Programa  
mjera za ublažavanje posljedica globalne ekonomske krize i  
unapređenje poslovnog ambijenta**

Mart 2010 god.

---

## Sadržaj:

1. Mjere iz nadležnosti Federalnog ministarstva energije, rudarstva i industrije.....	3
2. Mjere iz nadležnosti Federalnog ministarstva rada i socijalne politike.....	9
3. Mjere iz nadležnosti Federalnog ministarstva finansija.....	13
4. Mjere iz nadležnosti Federalnog ministarstva poljoprivrede, vodoprivrede i šumarstva.....	16
5. Mjere iz nadležnosti Federalnog ministarstva okoliša i turizma.....	18
6. Mjere iz nadležnosti Federalnog ministarstva pravde.....	19
7. Mjere iz nadležnosti Federalnog ministarstva za pitanje boraca i invalida odbrambeno-oslobodilačkog rata.....	20
8. Mjere iz nadležnosti Federalnog ministarstva zdravstva.....	21
9. Mjere iz nadležnosti Federalnog ministarstva razvoja, poduzetništva i obrta.....	22
10. Mjere iz nadležnosti Federalnog ministarstva obrazovanja i nauke.....	24
11. Mjere iz nadležnosti Federalnog ministarstva trgovine.....	25
12. Mjere iz nadležnosti Generalnog sekretarijata Vlade Federacije BiH.....	26
13. Mjere iz nadležnosti Agencije za bankarstvo Federacije BiH.....	26

**IZVJEŠTAJ O REALIZACIJI MJERA IZ OPERATIVNOG PLANA  
za implementaciju Socijalnog sporazuma 2009.-2010 god. i Programa mjera za  
ublažavanje posljedica globalne ekonomske krize i unapređenje poslovnog ambijenta**

Operativni plan za implementaciju Socijalnog sporazuma 2009-2010 god. sadrži 47 definisanih mjera. S ciljem obuhvatnijeg pregleda mjere su grupisane prema obrađivaču, uz napomenu grupe prioriteta u koju je mjera svrstana.

**Federalno ministarstvo energije, rudarstva i industrije**

**1. Program podrške firmama koje bi mogle biti pogođene globalnom ekonomskom krizom (prva prioriteta skupina)**

Cilj: osiguranje podrške firmama koje će biti pogođene globalnom ekonomskom krizom  
Efekt: očuvanje nivoa zaposlenosti; Obrađivač: Federalno ministarstvo energije, rudarstva i industrije, Federalno ministarstvo finansija i Razvojna Banka FBiH; Rok: februar / mart 2009.

Informacije o mjeri

Mjere su predstavljene aktom **Informacije o stanju metalne, elektro i namjenske industrije u FBiH sa analizom utjecaja recesije i zaključaka Vlade Federacije BiH.**

Parlament FBiH na sjednici Predstavničkog doma 21.04.2009 god. i na sjednici Doma naroda od 02.06.2009 god. nakon razmatranja ovog akta je donio odgovarajuće Zaključke ("Službene novine Federacije BiH," broj 40/09). Vlada FBiH na svojoj 118. Sjednici od 25.09.2009 god. usvojila Akcioni plan za realizaciju Zaključaka Parlamenta FBiH, a na 121 sjednici koja je održana 21.10.2009 god. Vlada FBiH donjela je Zaključke V broj: 782/2009 u vezi sa provedbom Akcionog plana za realizaciju Zaključaka Parlamenta FBiH.

Rezultat ovih Zaključaka do sada je samo Prednacrt Zakona o finansijskoj konsolidaciji privrednih društava sa većinskim učešćem državnog kapitala u FBiH. Ovaj Prednacrt Zakona je razmatran na 129. Sjednici Vlade FBiH 11.01.2010 god. Nacrt Zakona upućen u parlamentarnu proceduru 01.02.2010.

**2. Plan zaštite potrošača električne energije i gasa (prva prioriteta skupina)**

Cilj: urediti sistemski ovu oblast; Efekt: unapređenje zaštite socijalno ugroženih građana  
Obrađivač: Federalno ministarstvo energije, rudarstva i industrije; Rok: februar / mart 2009.

Informacije o mjeri

Obrađivači ovoga akta treba da bude, pored Federalno ministarstvo energije, rudarstva i industrije i Federalno ministarstvo rada i socijalne politike. Očekuje se formiranje komisije za izradu Plana.

### 3. Razvoj industrijske politike u FBiH (druga prioritetna skupina)

Cilj: dugoročno definirati razvoj industrije u FBiH; Efekt: unapređenje poslovnog ambijenta  
Obrađivač: Federalno ministarstvo energije, rudarstva i industrije; Rok: februar / mart 2009.

Informacije o mjeri:

Ovaj projekat treba biti prosljeđen Vladi FBiH narednih dana na usvajanje i daljnju procedure.

### 4. Zakon o privrednim društvima (druga prioritetna skupina)

Cilj: dogradnja postojećih rješenja; Efekt: unapređenje poslovnog ambijenta  
Obrađivač: Federalno ministarstvo energije, rudarstva i industrije; Rok: februar / mart 2009.

Informacije o mjeri:

Zakon o izmjenama i dopunama Zakona o privrednim društvima je usvojen i objavljen u "Sl. novinama Federacije BiH", broj 84/08 od 25.12.2008 god.. ESV za teritoriju FBiH na sjednici od 20.05.2009 god. raspravljalo je o izmjenama i dopunama Zakona o privrednim društvima, a Vlada FBiH svojila usaglašene izmjene i dopune, ali isti nije dobio većinu glasova Zastupničkog doma Parlamenta Federacije BiH. Formirana je Komisija koja će izraditi novi usaglašeni Zakon.

### 5. Zakon o privrednim komorama (druga prioritetna skupina)

Cilj: definisati jasnije nadležnost komora i doprinosa komorama; Efekt: unapređenje poslovnog ambijenta; Obrađivač: Federalno ministarstvo energije, rudarstva i industrije; Rok: februar / mart 2009.

Informacije o mjeri:

Zakon je razmatralo ESV za teritoriju FBiH na 62. Sjednici održanoj 22.09.2009 god. Zakon je usaglašen, ali je isti Vlada FBiH nakon razmatranja vratila na doradu u Ministarstvo. Nakon dorade (većinom tehničke prirode) Ministarstvo je Zakon ponovo dostavilo Vladi FBiH na razmatranje i usvajanje. Zakon nije usvojen. Predlaže se nova koncepcija Zakona. Po program rada Federalnog ministarstva energije, rudarstva i industrije za 2010. god. Zakon bi krajem februara trebao biti ponovo na raspravi Vlade federacije BiH.

### 6. Analiza stanja i mjere za unapređenje procesa privatizacije u FBiH (druga prioritetna skupina)

Cilj: ubrzati privatizaciju firmi sa državnim kapitalom; Efekt: unapređenje efikasnosti i razrješenje nagomilanih problema u neprivatiziranim firmama; Obrađivač: Federalno ministarstvo energije, rudarstva i industrije i Agencija za privatizaciju u FBiH; Rok: februar / mart 2009. god.

Informacije o mjeri:

Ovaj akt je u završnoj fazi i radi se zajedno sa Agencijom za privatizaciju u FBiH.

## **7. Zakon o reviziji i kontroli privatizacije (druga prioriteta skupina)**

Cilj: regulirati pitanja u vezi sa revizijom i kontrolom privatizacije; Efekt: unapređenje stanja u ovoj oblasti i sankcioniranje zloupotreba; Obrađivač: Federalno ministarstvo energije, rudarstva i industrije; Rok: februar / mart 2009.

### Informacije o mjeri:

Vlada FBiH na 113. Sjednici u Mostaru održanoj 19.08.2009 god. utvrdila je i uputila u parlamentarnu procedure Nacrt zakona o reviziji privatizacije državnog kapitala u privrednim društvima i bankama. Revizija će, kako je predviđeno, tretirati i stvari i prava sa pripadajućim kapitalom privrednih društava (privatiziranih i neprivatiziranih) koja nisu pod kontrolom, te nisu bila uključena u aktivni podbilans, a nalaze se na teritoriji država nastalih raspadom bivše SFRJ, potraživanja i obaveze prema pravnim licima iz ovih država, kao i raspolaganje novčanim sredstvima ostvarenim prodajom privrednih društava i banaka. Nacrt zakona uvodi nove odnose u ovoj oblasti, jer se revizija izvršenja ugovora obavlja po zahtjevu ovlaštenog lica, umjesto što su do sada nadležene agencije za privatizaciju po službenoj dužnosti. Reviziju će provoditi Odjeljenje za reviziju koje odlukom imenuje Vlada FBiH, o čijem će načinu rada biti donesena posebna uredba. Propisano je šta ovo odjeljenje u postupku revizije tačno utvrđuje i precizirane radnje, mjere i postupci po njenom završetku, kao i sankcije za ne postupanje po zahtjevu Odjeljenja za reviziju. Pokrenuti postupci kontrole zaključenih ugovora o privatizaciji preduzeća i ispunjavanju ugovorenih obaveza, a koja nisu okončani do dana stupanja na snagu ovog Zakona biće, kako je predloženo, završeni po odredbama zakona po kojima su pokrenuti. Predviđeno je da Vlada Federacije BiH, Vlada kantona i općinski načelnik od nadležnog federalnog ministarstva zatraže da se, sukladno članu 72. Stav 1. Tačka 2. Zakona o privrednim društvima, pokrene sudski postupak o prestanku privrednih društava koja su privatizirana javnim upisom dionica preko 50%, a u kojima dioničari ili uprava društva do dana donošenja ovog Zakona nisu pokrenuli proizvodnju. Zastupnički dom je isti zakon usvojio u formi nacrta na svojoj 25. Sjednici održanoj 29.09.2009. god. a Dom naroda 26.10.2009 god. na 26. Sjednici. Polovinom februara Zakon u formi Prijedloga bit će dostavljen Vladi FBiH na razmatranje i usvajanje.

## **8. Stanje i mogućnosti podizanja namjenske industrije sa prijedlogom mjera (druga prioriteta skupina)**

Cilj: intenziviranje kapaciteta u ovoj oblasti; Efekt: povećanje zaposlenosti i efikasnosti; Obrađivač: Federalno ministarstvo energije, rudarstva i industrije i Direkcija za namjensku proizvodnju; Rok: februar / mart 2009. god.

### Informacije o mjeri:

Ovaj akt je urađen i bit će upućen Vladi FBiHna razmatranje i usvajanje.

## **9. Zakon o partnerstvu javnog i privatnog sektora (ova mjera je svrstana u drugu prioriteta skupinu u Operativnom planu).**

Cilj: urediti ovu oblast; Efekt: stvaranje uslova za efikasnije rješavanje izgradnje objekata za zadovoljavanje javnih potreba angažiranjem kapaciteta javnog i privatnog sektora  
Obrađivač: Federalno ministarstvo energije, rudarstva i industrije, Federalno ministarstvo finansija; Rok: februar / mart 2009. god.

## Informacije o mjeri:

ESV je na 67. Sjednici održanoj 02.03.2010 god. razmatrao Zakon o partnerstvu javnog i privatnog sektora. Zaključak da se obavi javna rasprava, odnosno sastanak socijalnih partnera radi rasprave navedenog zakona.

### **10. Strategija razvoja elektroenergetskog sektora sa prijedlogom prioriteta (druga prioriteta skupina)**

Cilj: donijeti strategiju i utvrditi prioritete; Efekt: stvaranje uslova za izgradnju  
Obrađivač: Federalno ministarstvo energije, rudarstva i industrije, JP Elektroprivreda BiH i JP Elektroprivreda HZ HB; Rok: mart 2009. god.

## Informacije o mjeri:

Strategija razvoja elektroenergetskog sektora sa prijedlogom prioriteta je usvojena u propisanoj proceduri. Dokument **Strateški plan I program razvoja energetskeg sektora FBiH (SPP)** je urađen na osnovu Zaključaka Parlamenta Federacije BiH, Predstavničkog doma od 25.07.2007 god. i Doma naroda od 08.11.2007 god. Rješenjem Ministra Federalnog ministarstva energije, rudarstva i industrije od 24.09.2007. i dopune od 01.02.2008. imenovana je Ekspertna Grupa za izradu SPP. Svrha izrade ovog dokumenta je da se, u nedostatku Strategije razvoja energetskeg sektora Bosne i Hercegovine, izvrši stručna analiza postojećeg stanja, utvrde potrebe i mogućnosti razvoja energetskeg sektora u FBiH po pojedinim podsektorima i za sector u cjelini, vodeći računa o pravcima i intezitetu razvoja energetskeg sektora Bosne i Hercegovine, definiraju konceptijske postavke i uslovi za intezivniju reformu, deblokira zastoj investiranja i izgradnje novih energetskeg objekata i postignu preduslovi za održivi razvoj energetskeg sektora FBiH u cjelini.

Dokument treba da bude osnova za izradu Strategije razvoja energetskeg sektora u Bosni i Hercegovini. Na osnovu zaključaka Parlamenta Federacije BiH, oba Doma, (10.04.2008. i 24.06.2008.), a po razmatranju teksta Nacrta strateškog plana i programa razvoja energetskeg sektora Federacije BiH, u period od 24.03.2008 do 10.06.2008 god. obavljeno je šest javnih rasprava po Nacrtu strateškog plana i programa razvoja energetskeg sektora u FBiH sa završenom raspravom u Sarajevu 10.06.2008 god..

Rješenjem Premijera Vlade FBiH od 29.05.2009 god. imenovana je neovisna Grupa stručnjaka koja je dala mišljenje i ocjenu dokumenta. Na osnovu datih sugestija, primjedbi i komentara, te stručnog mišljenja i ocjene Grupe, Ekspertna grupa je izradila prijedlog dokumenta koji je razmatran i usvojen na Parlamentu FBiH (Predstavnički dom 13.01.2009. i Dom naroda 10.03.2009.). Dokument SPP, u formi Nacrta i Prijedloga je bio cijelo vrijeme postavljen na web stranici Ministarstva i Vlade FBiH bio dostupan građanima. Vlada FBiH je početkom 2010 god. podržala aktivnosti Federalnog ministarstva energije, rudarstva i industrije, te stim u vezi,

donijela odgovarajuća akta sa ciljem otvaranja i ubrzanja procesa pripreme i izgradnje prioriteta elektroenergetskih objekata u FBiH. Svi navedeni objekti uključeni su u **Strateški plan I program razvoja energetskog sektora Federacije Bosne i Hercegovine** koji je usvojen od strane oba Doma Parlamenta FBiH, sa procijenjenom dinamikom izgradnje, koja će biti uslovljena mogućnostima i načinom osiguranja investicionih sredstava.

Definirani su slijedeći prioriteti izgradnje elektroenergetskih objekata:

#### Termoelektrane

1. TE Tuzla blok 7; 450MW
2. TE Kakanj, blok 8:1x300MW
3. TE kakanj kombi ciklus 100 MW
4. RiTE Bugojno 1x300 MW (od 2 bloka)
5. RiTE Kongora 2x275 MW
6. RiTE Banovići 300 MW

#### Vjetroelektrane

1. VE 1 Podveležje, 46 MW
2. VE 2 Podveležje, 24 MW
3. VE Borova Glava (Livno), 52 MW
4. VE Mesihovina, 44 MW
5. VE Velika Vljajna, 32 MW
6. VE Poklečani 72 MW

#### Hidroelektrane

1. HE Ustikolina, 64MW
2. HE Vranduk, 23MW
3. HE Unac (Rmanj Manastir), 74 MW
4. CHE Vrilo, 52 MW
5. CHE Kablić, 52 MW
6. HE Kruševo, 29 MW
7. HE Vrhpolje, 80MW
8. HE Čaplje, 12 MW
9. HE Han Skela, 12 MW
10. HE Vinac, 11.5 MW
11. HE Babino Selo, 11.5 MW
12. HE Ugar Ušće, 12 MW
13. HE Vrletna Kosa, 11.2 MW
14. HE Ivik, 11.2 MW

#### Hidroelektrane na gornjem toku r. Neretve

HE Glavatičevo, 3x9.5 MW; HE Bjelimići, 2x50 MWHE Bjelimići 2x300 MW, 25 malih hidroelektrana

#### 11. Program razvoja gasne mreže u FBiH (druga prioriteta skupina)

Cilj: donijeti Program ; Efekt: stvaranje uslova za izgradnju

Obrađivač: Federalno ministarstvo energije, rudarstva i industrije, JP BH Gas; Rok: mart 2009.

#### Informacije o mjeri:

Projekat se realizira planiranim tempom u FBiH i vode pregovori sa Republikom Srpskom vezani za pravac B. Brod - Zenica.

#### 12. Zakon o električnoj energiji (druga prioriteta skupina)

Cilj: uređenje pitanja proizvodnje i distribucije električne energije; Efekt: unapređenje poslovnog ambijenta i zaštita potrošača; Obrađivač: Federalno ministarstvo energije, rudarstva i industrije; Rok: februar / mart 2009.

#### Informacije o mjeri:

Vlada FBiH je usvojila Prijedlog zakona o električnoj energiji 04.02.2009 god. ali Prijedlog nije dobio većinu na 20. sjednici Predstavničkog doma Parlamenta Federacije BiH. Zakon će ubrzo biti ponovo upućen Vladi FBiH na razmatranje i suvajanje.

### **13. Uredba o proizvodnji električne energije iz obnovljivih izvora energije i kogeneracije (druga prioritetna skupina)**

Cilj: privremeno, do donošenja zakona urediti ovu oblast; Efekti: unapređenje poslovnog ambijenta; Obrađivač: Federalno ministarstvo energije, rudarstva i industrije; Rok: februar / mart 2009.

#### Informacije o mjeri:

Uredba je pripremljena, prva rasprava održana 01.02.2009 god. za Okruglim stolom u Sarajevu. Nakon ostalih rasprava o Uredbi ići će se na izradu odgovarajućeg zakona s obzirom na obimnost i važnost materije koju tretira.

## **Federalno ministarstvo rada i socijalne politike**

### **1. Izmjene i dopune Zakona o osnovama socijalne zaštite, zaštite civilnih žrtava rata i zaštite porodice sa djecom (prva prioritetna skupina)**

Cilj: osigurati da pojedini oblici socijalne zaštite budu usmjereni i osigurani onim korisnicima kojima je ta zaštita neophodna; Efekti: unapređenje zaštite i racionalizacija potrošnje za ove namjene; Obrađivač: Federalno ministarstvo rada i socijalne politike; Rok: januar / februar 2009. God.

#### Informacije o mjeri:

Izmjene i dopune Zakona o osnovama socijalne zaštite, zaštite civilnih žrtava rata i zaštite obitelji sa djecom su donešene u utvrđenom roku (sječanj/januar i veljača/februar 2009 god.). Primjena ovog Zakona teče od 12.03.2009 god. i u toku je revizija korisnika prava osoba sa invaliditetom sa postotkom oštećenja organizma od 100% i 90%, po Zakonu o izmjenama i dopunama Zakona o osnovama socijalne zaštite, zaštite civilnih žrtava rata i zaštite obitelji sa djecom ("Službene novine Federacije BiH" broj 14/09).

Donošenjem ovih izmjena i dopuna zakona iz prava je u 2009 godini izvedeno preko 65 000 korisnika prava sa postotkom invalidnosti 80, 70 i 60%, zatim ukidanjem dodatka na tuđu njegu i pomoć druge osobe za korisnike starosti iznad 65 godina, ukoliko su invaliditet stekle nakon te dobne granice i smanjenjem koeficijenta sa 1 na 0.85%. Na taj način je u Proračunu FBiH u 2009. god. spriječeno povećanje duga prema ovoj kategoriji za novih 100 miliona KM.

U oblasti reforme socijalnog sektora pripremljeni su i usvojeni na 129. Sjednici Vlade FBiH 23.12.2009 god. Prednacrt Zakona o temeljnim pravima osoba sa invaliditetom i Zakona o zaštiti civilnih žrtava rata, rađeni u saradnji sa Svjetskom bankom i u okviru kojih je predloženo uvođenje prihodovnog cenzusa i revizije svih korisnika naknada iz Proračuna Federacije BiH, odmah po usvajanju zakona na Parlamentu Federacije BiH.



Prihodovni census je predložen kao prikladniji kriterij u ovom momentu od imovinskog cenzusa zbog postojanja bolje službene evidencije zvaničnih prihoda korisnika za razliku od mogućnosti utvrđivanja imovinskog cenzusa, čija primjena podrazumjeva sve vrste prihoda uključujući one od nekretnina, autorskih prava, poljoprivrede i sl.

## **2. Zaštita plata radnika sa najnižim primanjima-usklađivanje najniže bruto satnice sa porastom troškova života (prva prioriteta skupina)**

Cilj: osigurati usklađivanje najniže cijene rada sa troškovima života; Efekt: unapređenje zaštite radnika sa najnižim primanjima; Obrađivač: Federalno ministarstvo rada i socijalne politike; Rok: januar / februar 2009. god.

### Informacije o mjeri:

Federalno ministarstvo rada i socijalne politike periodično sačinjava analize potrošačkih cijena u FBiH. S obzirom da prema podacima Federalnog zavoda za statistiku u posljednje vrijeme nije bilo povećanja indeksa potrošačkih cijena u FBiH, nije bilo ni inicijative od strane Vlade FBiH da se donese nova odluka o povećanju najniže neto I bruto satnice.

## **3. Analiza stanja i inicijativa za izmjene i dopune Općeg kolektivnog ugovora (prva prioriteta skupina)**

Cilj: ugradnja savremenih rješenja u Opći kolektivni ugovor, naročito u oblasti plaća i drugih primanja radnika; Efekt: unapređenje poslovnog ambijenta i zaštita radnika; Obrađivač: Federalno ministarstvo rada i socijalne politike; Rok: februar / mart 2009. god.

### Informacije o mjeri:

U maju 2009 god. trebalo je formirati radnu grupu od predstavnika sva tri socijalna partnera radi izrade Izmjena i dopuna Općeg kolektivnog ugovora za teritoriju federacije BiH. Radna grupa nije formirana, ali je Udruženje poslodavaca pripremlilo novi Opći kolektivni ugovor za teritoriju Federacije BiH. ESV je na svojoj 67. Sjednici održanoj 02.03.2010 god. raspravljalo o Izmjenama i dopunama Općeg kolektivnog ugovora i zaključilo da će se u narednih 15 dana sastati predstavnici sindikata i poslodavaca i dogovoriti protokol, aktivnosti i detalje oko izmjene Općeg kolektivnog ugovora.

## **4. Stanje funkcionalnosti i efikasnosti vanbudžetskih fonodava i drugih institucija u socijalnom sektoru, sa prijedlogom mjera za učešće predstavnika sindikata i poslodavaca u upravljanju ovim fondovima (druga prioriteta skupina)**

Cilj: urediti upravljanje vanbudžetskim fondovima i osigurati da u upravljanju ovim fondovima učestvuju predstavnici socijalnih partnera; Efekt: unapređenje efikasnosti i racionalnosti; Obrađivač: Federalno ministarstvo rada i socijalne politike, Federalno ministarstvo zdravstva; Rok: mart 2009. God.

### Informacije o mjeri:

Važeći Zakon o posredovanju u zapošljavanju i socijalnoj sigurnosti nezaposlenih osoba nije prepreka da predstavnici sindikata i poslodavaca učestvuju u upravljanju zavodom, odnosno službama za zapošljavanje. Također, postojeći Zakon o organizaciji mirovinskog i invalidskog osiguranja FBiH ("Službene novine Federacije BiH" broj 49/00, 32/01 i 18/05) i drugi propisi kojima je uređeno pitanje organizacije i rada Federalnog zavoda za mirovinsko i invalidsko osiguranje, nisu prepreka za učešće predstavnika sindikata i poslodavaca u upravljanju zavodom.

## **5. Plan mjera i aktivnosti na uspostavi centralnog registra korisnika boračkih i socijalnih davanja (druga prioritetna skupina)**

Cilj: iznalaženje rješenja koja će uvezati baze podataka o korisnicima; Efekt: onemogućavanje dvojnog korištenja prava i drugih zloupotreba; Obrađivač: Federalno ministarstvo rada i socijalne politike, Federalno ministarstvo za pitanja boraca i invalida odbrambeno-oslobodilačkog rata, ERC ZIPO, Federalni zavod PIO/MIO, Federalni zavod za zapošljavanje; Rok: mart 2009. god.

### Informacije o mjeri:

U završnoj fazi je izrada baza podataka civilnih žrtava rata u FBiH, putem koje je započela isplata naknada ovim korisnicima iz Proračuna FBiH u 2009. god. Time su stvoreni predujeti za priključenje korisnika prava po oba zakona, osoba sa invaliditetom i civilnih žrtava rata i članova njihovih obitelji, na jedinstven registar proračunskih korisnika svih veteranskih i socijalnih kategorija po zahtjevima iz aranžamana sa MMF. U međuvremenu vrši se kontrola utvrđenih dvostrukih korisnika prava i povrat isplaćenih novčanih davanja iz federalnog proračuna po tom osnovu.

## **6. Zakon o radu (druga prioritetna skupina)**

Cilj: preispitati postojeća rješenja i ugraditi ona koja će biti usklađena sa zakonodavstvima Evropske unije i zemalja iz okruženja; Efekt: unapređenje poslovnog ambijenta i zaštita radnika; Obrađivač: Federalno ministarstvo rada i socijalne politike; Rok: januar / februar 2009. god.

### Informacije o mjeri:

Zakon o izmjenama i dopunama Zakona o radu upućen je u formi Nacrta na razmatranje Parlamentu Federacije BiH. Međutim, Zakon je povučen sa zahtjevom da se Parlamentu FBiH uputi po hitnom postupku cjelovit tekst Zakona o radu.

Resorno ministarstvo je pripremlilo Prednacrt novog Zakona o radu, koji će biti upućen u Parlament Federacije BiH.

## **7. Zakon o profesionalnoj rehabilitaciji i zapošljavanju osoba sa invaliditetom (druga prioritetna skupina)**

Cilj: urediti ovu oblast; Efekt: povećanje zaposlenosti osoba sa invaliditetom; Obrađivač: Federalno ministarstvo rada i socijalne politike; Rok: februar / mart 2009. god.

## Informacije o mjeri:

Navedeni Zakon je usvojen u zadatom roku (februar/veljača-mart/ožujak 2009. God.) ali u različitim tekstovima, te se nalazi još na usaglašavanju u domovima Parlamenta federacije BiH.

### **8. Analiza institucionalne i organizacione racionalnosti u osiguranju za slučaj nezaposlenosti , sa prijedlogom mjera (treća prioriteta skupina)**

Cilj: reorganizacija službe za zapošljavanje, naročito na kantonalnom i općinskom nivou, uključivanje privatnog sektora u posredovanju pri zapošljavanju; Efekti: racionalizacija i podizanje stepena efikasnosti, te smanjenje troškova; Obrađivač: Federalno ministarstvo rada i socijalne politike i Federalni zavod za zapošljavanje; Rok: februar / mart 2009. god.

## Informacije o mjeri:

U Analizi primjene Zakona o posredovanju u zapošljavanju i socijalnoj sigurnosti nezaposlenih osoba date su i opcije organizacije Federalnog zavoda za zapošljavanje o čemu treba da se izjasni Vlada Federacije BiH.

Vlada FBiH u aprilu 2009. god. donijela je Uredbu o privatnim agencijama za posredovanje u zapošljavanju i ista je objavljena u "Službenim novinama Federacije BiH", broj:28/09.

Do sada je izdato 11 Rješenja o dozvoli obavljanja djelatnosti posredovanja u zapošljavanju.

## **Federalno ministarstvo finansija**

### **1. Stanje u oblasti kreditiranja privrede, poljoprivrede i građana u komercijalnim bankama i mikrokreditnom sektoru, sa programom mjera za povoljnije aranžmane (prva prioriteta skupina)**

Cilj: iznaći što povoljnije kreditne aranžmane; Efekti: unapređenje poslovnog ambijenta  
Obrađivač: Federalno ministarstvo finansija i Agencija za bankarstvo FBiH; Rok: januar / februar 2009. god.

## Informacija o mjeri:

### **2. Reprogramiranje kredita stanovništvu u 2009.( prva prioriteta skupina u Operativnom planu ).**

Cilj: smanjenje uticaja negativnih efekata trenutne svjetske finansijske krize, s tim da kod zaključivanja reprograma banke ne bi smjele vršiti povećanje kamatnih stopa na odobrene kredite; Efekti: unapređenje poslovnog ambijenta; Obrađivač: Federalno ministarstvo finansija; Rok: februar / mart 2009. god.

## Informacija o mjeri:

Agencija za bankarstvo FBiH je u cilju ublažavanja negativnih efekata globalne finansijske krize donijela "Odluku o privremenom reprogramu kreditnih obaveza fizičkih lica I postupanja banaka

u FBiH” I “Odluku o privremenim mjerama za reprograma kreditnih obaveza fizičkih I pravnih lica u bankama” kojim se Bankama omogućavaju blaži uslovi za reprogramiranje postojećih potraživanja od fizičkih I pravnih osoba, a da se istovremeno ne povećavaju reserve za kreditne gubitke kao I cijena kredita I troškovi za dužnike.

### **3. Izmjene i dopune Zakona o bankama (prva prioriteta skupina)**

Cilj: da se osigura da najmanje 1/3 (ili 1/2) članova nadzornog odbora i uprave banaka budu rezidenti; Efekt: unapređenje poslovnog ambijenta – jer rezidenti bolje poznaju ukupnu situaciju; Obrađivač: Federalno ministarstvo finansija; Rok: februar / mart 2009. god.

#### Informacija o mjeri:

Zakon o izmjenama I dopunama Zakona o bankama, koji predviđa da najmanje 1/3 članova nadzornog odbora I uprave moraju biti domaća lica, nije dobio potrebnu većinu u Parlamentu Federacije BiH.

### **4. Izmjene i dopune Zakona o doprinosima (prva prioriteta skupina)**

Cilj: na osnovu sagledanog stanja smanjiti stope doprinosa; Efekt: unapređenje poslovnog ambijenta; Obrađivač: Federalno ministarstvo finansija; Rok: februar / mart 2009. god.

#### Informacija o mjeri:

Zakon o izmjenama i dopunama Zakona o doprinosima je stupio na snagu 01.01.2009 god. (Službene novine FBiH19/08).

### **5. Izmjene i dopune Zakona o porezu na dobit (prva prioriteta skupina)**

Cilj: da se troškovi rezervi za potencijalne kreditne gubitke bankama priznaju kao porezno priznat rashod; Efekt: unapređenje poslovnog ambijenta (oslobođena sredstva usmjeriti privredi i stanovništvu); Obrađivač: Federalno ministarstvo finansija; Rok: februar / mart 2009. god.

#### Informacija o mjeri:

Zakon o dopunama Zakona o porezu na dobit je usvojen na Predstavničkom domu FBiH 05.05.2009 god. a Dom naroda je navedeni Zakon usvojio 02.06.2009 god. (Službene novine federacije BiH, broj 39/09).

### **6. Izmjene i dopune Zakona o djelimičnom otpisu dospjelih, a neuplaćenih doprinosa (prva prioriteta skupina)**

Cilj: dograditi zakonska rješenja i utvrditi nove rokove za obračun neuplaćenih doprinosa (sa 31.12.2008. god.) i razmotriti pitanje doprinosa za zdravstveno osiguranje i zapošljavanje; Efekt: razrješenje pitanja uvezivanja staža radnicima i otvaranje mogućnosti unapređenja proizvodnje u firmama koje su finansijski opterećene neplaćenim doprinosima;

Obradivač: Federalno ministarstvo finansija; Rok: februar / mart 2009. god.

Informacija o mjeri:

Izmjene i dopune Zakona o djelimičnom otpisu dospjelih a neuplaćenih doprinosa je usvojen na Predstavničkom domu 30.06.2009 god. i Domu naroda 30.07.2009 god. (Službene novine FBiH57/09).

**7. Zakon o plaćama i drugim materijalnim pravima članova organa upravljanja i institucija FBiHi javnih preduzeća u većinskom vlasništvu FBiH (prva prioriteta skupina)**

Cilj: urediti pitanja u vezi naknada članovima upravnih i nadzornih odbora u javnim fonfovima i firmama sa većinskim državnim kapitalom; Efekt: racionalizacija i smanjenje troškova

Obradivač: Federalno ministarstvo finansija; Rok: februar / mart 2009. god.

Informacija o mjeri:

Navedeni Zakon je usvojen i objavljen u Službenim novinama FBiH broj 12/09

**8. Zakon o garancijskom fondu ( treća prioriteta skupina)**

Cilj: Zakonom osnovati i urediti garancijski fond za davanje garancija malim i srednjim preduzećima, kako bi im se osigurala podrška za dalji razvoj; Obradivači: Federalno ministarstvo finansija/financija, Federalno ministarstvo poljoprivrede, vodoprivrede i šumarstva i Federalno ministarstvo razvoja, poduzetništva i obrta; Rok: mart/april 2009.god.

Informacija o mjeri:

Vlada FBiH je na sjednici održanoj 25.08.2009 god. razmatrala prednacrt Zakona o garancijskom fondu FBiH. Cilj ovog zakonskog projekta, o kojem će biti obavljena široka javna rasprava, jeste osnivanje Garancijskog fonda FBiH u cilju osiguranja uslova za razvoj malih i srednjih preduzeća i preduzetnika u FBiH. Fond bi izdavao garancije i supergarancije bankama i drugim finansijskim institucijama u FBiH za osiguranje kredita ili dijela kredita koji su banke i druge finansijske institucije odobrile malim i srednjim preduzećima i preduzetnicima.

## **Federalno ministarstvo poljoprivrede, vodoprivrede i šumarstva**

**1. Izmjene i dopune Zakona o šumama (prva prioriteta skupina)**

Cilj: preispitati visinu naknade koju plaćaju privredna preduzeća i dokinuti ukupan prihod kao osnovicu za obračun naknada; Efekt: poboljšanje poslovnog ambijenta; Obradivač: Federalno ministarstvo poljoprivrede, vodoprivrede i šumarstva; Rok: januar / februar 2009. god.

## Informacije o mjeri:

Vlada FBiH na svojoj 110. Sjednici od 23.07.2009 god. usvojila Nacrt Zakona o šumama. Nacrt Zakona o šumama razmatran je na nastavku 25. Sjednice Zastupničkog doma Parlamenta federacije BiH, održane 20. Listopada 2009 god. koji nakon rasprave i izjašnjavanja zastupnika nije dobio potrebnu potporu.

S obzirom da je u novembru 2009 god. na osnovu Presude Ustavnog suda FBiH br: U-26/08 ("Službene novine federacije BiH" broj 36/09) kojom se utvrđuje da je povređeno pravo općina na lokalnu samoupravu, prestala primjena Zakona o šumama ("Službene novine Federacije BiH, broj:20/02, 29/03, I 37/04), a u međuvremenu nije donesen novi Zakon o šumama, Vlada FBiH je na 129. Sjednici usvojila Uredbu o šumama koja je objavljena u Službenim novinama FBiH br: 83/09 od 30.12.2009 god..

U Članu 48. Stav 1. navedene Uredbe o šumama propisano je da naknadu za općekorisne funkcije šuma plaćaju sva pravna lica koja su registrovana za obavljanje djelatnosti na teritoriji FBiH, kao i dijelovi pravnih lica čije je sjedište van Federacije BiH, a obavljaju djelatnost na teritoriji Federacije BiH, u visini od 0,07% ukupno ostvarenog prihoda, a što je u skladu sa mjerama sadržanim u Operativnom planu. Naime Zakonom o šumama koji više nije u primjeni, stopa izdvajanja za općekorisne funkcije šuma iznosila je 0,1% od ukupno ostvarenog prihoda. Uredba o šumama je privremenog karaktera, odnosno ograničena je na 90 dana.

Federalno ministarstvo poljoprivrede, vodoprivrede i šumarstva je pripremlilo Prednacrt Zakona o šumama, kojim je predviđeno da stopa izdvajanja za općekorisne funkcije šuma iznosi 0,07%.

## **2. Izmjene i dopune Zakona o vodama (prva prioriteta skupina)**

Cilj: preispitati visinu naknade koju plaćaju privredna preduzeća; Efekt: poboljšanje poslovnog ambijenta; Obrađivač: Federalno ministarstvo poljoprivrede, vodoprivrede i šumarstva; Rok: januar / februar 2009. god.

## Informacije o mjeri:

Izmjene i dopune Zakona o vodama ( "Službene novine Federacije BiH" broj 70/06) čiji je cilj preispitivanje visine opće vodne naknade (OVN) Ministarstvo poljoprivrede, vodoprivrede i šumarstva nije provelo iz slijedećih razloga:

- Korisnici ovih sredstava (kantoni 45% i agencije za vodu 40%) dali obrazloženja da bi ukidanjem ili smanjenjem ovih naknada bila izgubljena sredstava u iznosu cca 10.200.000 KM na godišnjem nivou, koja se u najvećoj mjeri koriste za prevenciju poplava i da za ovu namjenu nema drugih izvora sredstava;
- Navedeni korisnici su tražili od Ministarstva da se, u slučaju smanjenja ili ukidanja OVN, moraju osigurati sredstva iz drugih izvora (povećanjem visine posebnih vodnih naknada ili iz budžetskih sredstava), što kao mjera u krajnjem ima za posljedicu opterećenje privrede.

Federalno ministarstvo poljoprivrede, vodoprivrede i šumarstva je u izjašnjenju datom za Operativni plan Vladi Federacije BiH, polazeći od podataka da je u 2008. godini za prvih 10 mjeseci prosječna mjesečna neto plata iznosila 745 KM sa vodnom naknadom od 0,5%,

predočilo da je prosječno mjesečno opterećenje po zaposlenom 3,72 KM ili godišnje svega 57,80 KM.

Federalno ministarstvo poljoprivrede, vodoprivrede i šumarstva FBiH ističe da su sredstva opće vodne naknade u funkciji unapređenja poslovnog ambijenta, jer su prvenstveno namjenjena za zaštitu od štetnog djelovanja voda (zaštita od poplava i bujica). U zemljama u okruženju kao i zemljama EU sredstva koja se ubiru za ove namjene su višestruko veća.

Imajući u vidu da je osiguranje sredstava za zaštitu od poplava neophodno, a koje je posebno došlo do izražaja u januaru 2010. god, Ministarstvo je ostalo pri stavu da ukidanje ili smanjenje opće vodne naknade nije prihvatljivo do eventualnog pronalaženja drugih izvora sredstava za ove namjene.

## **Federalno ministarstvo okoliša i turizma**

### **1. Izmjene i dopune Zakona o turističkoj djelatnosti (prva prioriteta skupina).**

Cilj: preispitati postojeća zakonska rješenja, a naročito u vezi obveznika koji plaćaju naknade;

Efekt: poboljšanje poslovnog ambijenta; Obrađivač: Federalno ministarstvo okoliša i turizma

Rok: januar / februar 2009. god.

#### Informacije o mjeri:

U cilju preispitivanja postojećih zakonskih rješenja i poboljšanja poslovnog ambijenta, Federalno ministarstvo okoliša i turizma, kao obrađivač propisa iz oblasti turizma, izradilo je prijedlog Zakona o turističkoj djelatnosti, objavljen u "Službenim novinama Federacije BiH" broj: 32/09.

### **2. Izmjene i dopune Uredbe o članarinama u turističkim zajednicama (prva prioriteta skupina).**

Cilj: preispitati visinu članarina turističkim zajednicama; Efekt: unapređenje poslovnog ambijenta

Obrađivač: Federalno ministarstvo okoliša i turizma; Rok: januar / februar 2009. God.

#### Informacije o mjeri:

Vlada FBiH je na 94. Sjednici, održanoj 12.03.2009 god, donijela novu Uredbu o članarinama u turističkoj zajednici.

Uredbom o članarinama u turističkim zajednicama ("Službene novine Federacije BiH" broj:18/09) visina članarine koju plaćaju pravna i fizička lica, kao i obvezni član turističke zajednice, umanjena je u odnosu na dosadašnju za 50%, što doprinosi rasterećenju izdvajanja sredstava gospodarstvenika.



## **Federalno ministarstvo pravde**

1. a) Pokretanje inicijative za izmjene Ustava Federacije Bosne i Hercegovine, sa prijedlogom izmjena i dopuna (druga prioritetna skupina)

b) **Zakon o Vladi Federacije Bosne i Hercegovine**

c) **Zakon o federalnom ministarstvima i drugim tijelima federalne uprave**

*Cilj:* racionalizacija organizacije Vlade Federacije BiH, federalnih ministarstava i drugih upravnih tijela; *Efekti:* unapređenje funkcionalnosti i smanjenje troškova; *Obradivač:* Federalno ministarstvo pravde; *Rok:* januar / februar 2009. god.

*Informacija o mjeri:*

2. **Analiza stanja sa programom reforme javne uprave (druga prioritetna skupina)**

*Cilj:* ubrzati reformu javne uprave; *Efekti:* racionalizacija i podizanje stepena efikasnosti, te smanjenje troškova; *Obradivač:* Federalno ministarstvo pravde; *Rok:* februar / mart 2009. god.

*Informacija o mjeri:*

3. **Analiza stanja na reformi propisa (Giljotina propisa) sa programom mjera (druga prioritetna skupina)**

*Cilj:* ubrzati reformu propisa; *Efekti:* unapređenje poslovnog ambijenta i jačanje efikasnosti insitucija sistema; *Obradivač:* Federalno ministarstvo pravde; *Rok:* januar / februar 2009. god.

*Informacija o mjeri:*

## **Federalno ministarstvo za pitanje boraca i invalida odbrambeno-oslobodilačkog rata**

1. **Zakon o pravima branitelja i članova njihovih porodica (prva prioritetna skupina)**

*Cilj:* sagledavanje stanja u oblasti zaštite branitelja i iznalaženje rješenja za unapređenje zaštite sa ciljem da se ista osigura u skladu sa stvarnim potrebama branitelja i budžetskim mogućnostima; *Efekti:* racionalizacija, pravičnost i smanjenje rashoda; *Obradivač:* Federalno ministarstvo za pitanja boraca i invalida odbrambeno-oslobodilačkog rata; *Rok:* februar / mart 2009. god.

*Informacija o mjeri:*

Prijedlog Zakona o izmjenama i dopunama Zakona o pravima branilaca i članova njihovih porodica usvojen je na 133. sjednici Vlade FBiH dana 01.02.2010 god..

*Cilj aktivnosti:* Na osnovu obaveza iz Stand by aranžmana sa MMF-om i Svjetskom bankom pristupilo se izmjenama navedenog pravnog propisa. Predviđeno je da isplata primanja (lična



invalidnina) osobama koja imaju utvrđen stepen invalidnosti ispod 60% bude uslovljena prihodovnim cenzusom, sa izuzetkom davanja za lica sa stepenom invaliditeta od 60% i više, te za djecu do 25 godina starosti koja se nalaze na redovnom školovanju; ponovno uvođenje mehanizma koeficijenata za sva davanja, te usklađivanje svih davanja sa stopom inflacije umjesto stope rasta plata.

## **Federalno ministarstvo zdravstva**

### **1. Analiza stanja u oblasti ocjene radne sposobnosti i invalidnosti sa prijedlogom mjera za unapređenje stanja (druga prioriteta skupina)**

Cilj: unapređenje organizacije, tehničke opremljenosti i srtačne obučenosti kadrova, unapređenje odnosa između subjekata u vezi sa ocjenom; Efekti: postizanje što objektivnije ocjene invalidnosti i zdravstvenog stanja i otklanjanje zloupotreba; Obrađivač: Federalno ministarstvo zdravstva, Institut za ocjenu zdravstvenog stanja; Rok: mart 2009. god.

#### Informacija o mjeri:

Urađena Analiza stanja u oblasti ocjene radne sposobnosti i invalidnosti sa prijedlogom mjera.

### **2. Analiza institucionalne i organizacione racionalnosti u zdravstvenom osiguranju sa prijedlogom mjera (treća prioriteta skupina)**

Cilj: preispitivanje i reorganizacija u zdravstvenom osiguranju; Efekti: racionalizacija i podizanje stepena efikasnosti, te smanjenje troškova; Obrađivač: Federalno ministarstvo zdravstva; Rok: februar / mart 2009. god.

#### Informacija o mjeri:

Pripremljenu Analiza dosadašnje institucionalne i organizacione racionalnosti u zdravstvenom osiguranju, zajedno sa predloženim zaključcima, Federalno ministarstvo zdravstva dostavilo Vladi FBiH 03.03.2009 god..

## **Federalno ministarstvo razvoja, poduzetništva i obrta**

### **1. Analiza stanja razvijenosti malog i srednjeg poduzetništva sa Prijedlogom mjera (druga prioriteta skupina)**

Cilj: Održanje broja obrta, malih i srednjih preduzeća i broja uposlenih u njima, te kontinuirano poboljšavanje ambijenta za razvoj poduzetništva; Obrađivač: Federalno ministarstvo razvoja, poduzetništva i obrta; Rok: februar/mart 2009.god.

#### Informacija o mjeri:

Analiza stanja razvijenosti malog i srednjeg poduzetništva s prijedlogom mjera urađena i usvojena na 110. sjednici Vlade Federacije BiH od 23.07.2009. god.

## 2. Implementacija strategije razvoja malog i srednjeg poduzetništva u FBiH (druga prioritetna skupina)

Cilj: Strategija je dala smjernice za razvoj malog i srednjeg poduzetništva u narednom periodu. Njenom implementacijom unaprijedilo bi se stanje u ovom sektoru; Obradivač: Federalno ministarstvo razvoja, poduzetništva i obrta; Rok: kontinuirano

### Informacija o mjeri:

Projekat Razvoj malog i srednjeg poduzetništva u FBiH, koji zajedno sa ostalim razvojnim projektima resornih ministarstava koji predstavlja ključni strateški dokument za Federaciju BiH, razmatran je na Vladi FBiH 06.05.2009 god. Usvojen je na nastavku 22. sjednice Zastupničkog doma Parlamenta Federacije BiH od 28.05.2009 god. Usvojen je i na 26. sjednici Doma naroda Parlamenta FBiH od 26.10.2009 god.

Ministarstvo je izradilo i Akcioni plan za implementaciju Projekta "Razvoj malog i srednjeg poduzetništva u FBiH", prihvaćen na 121. sjednici Vlade Federacije BiH održanoj 29.10.2009 god. Akcioni plan obuhvata strateške ciljeve, prioritete, nositelje i elemente dinamičkog plana.

## 3. Program podrške malim i srednjim preduzećima iz predpristupnih fondova Europske Unije (druga prioritetna skupina)

Cilj: Iskristiti mogućnosti koje pružaju predpristupni fondovi EU za razvoj ovog sektora  
Obradivač: Federalno ministarstvo razvoja, poduzetništva i obrta; Rok: mart/april 2009.god.

### Informacija o mjeri:

Vlada FBiH je na svojoj 118. sjednici održanoj 25.09.2009 god. usvojila Informaciju o mogućnostima i načinima pristupa sektora malih i srednjih poduzeća (MSP) pred pristupnim fondovima Europske unije.

Federalno ministarstvo razvoja, poduzetništva i obrta je u suradnji sa Ministarstvom industrije, energetike i rudarstva Republike Srpske, Vlade Brčko distrikta i Ministarstvom vanjske trgovine i ekonomskih odnosa za IPA 2009. God. kandidirao 5 projekata (Finansijska sredstva za zajmove MSP-u-kreditiranje preko EFSE/KfW; Podrška izgradnje institucijske infrastrukture postojećih zona; Podrška izgradnje institucijske infrastrukture zona u osnutku; Pomoć konsultanskom tržištu i Uvođenje međunarodnih standard u MSP-a).

Tri projekta koja se odnose na unapređenje infrastrukture za MSP u iznosu od 13,5 milijuna Eura su zbog nedostatka sredstava prebačena iz IPA 2009 u IPA 2010.

Dva projekta, Tehnička pomoć sektoru MSP-a u uvođenju sistema kvaliteta i Tehnička pomoć razvoju infrastrukture poslovnih zona, odobreni su i idu dalje u procedure ugovaranja između EU komisije i institucija BiH. Očekuje se da će se procedura izbora putem tendera biti u prvom kvartalu 2010. god, a da će prvi rezultati biti sredinom 2010. god. Ukupna vrijednost ova dva projekta je 3,5 milijuna Eura.

Ministarstvo je uradilo više projekata za IPA fondove u okviru prekogranične saradnje sa Regijom Ambruzzo i Regijom Venetto.

## **Federalno ministarstvo obrazovanja i nauke**

### **1. Analiza stanja u oblasti srednjeg obrazovanja sa prijedlogom mjera za usklađivanje obrazovanja sa potrebama privrede (treća prioriteta skupina)**

Cilj: usklađivanje programa srednjeg obrazovanja sa potrebama privrede; Efekt: unapređenje stanja na tržištu rada, te usklađivanje programa obrazovanja za zanimanja koja se ne traže na tržištu rada; Obrađivač: Federalno ministarstvo obrazovanja i nauke; Rok: februar / mart 2009.

#### Informacija o mjeri:

Analiza urađena i razmatrana na sjednici ESV-a održanoj 28.04.2009 god.

## **Federalno ministarstvo trgovine**

### **1. Analiza stanja sa mjerama za unapređenje u oblasti robnih rezervi (treća prioriteta skupina)**

Cilj: poboljšati obim i funkcionalnost robnih rezervi, sagledati mogućnost da dio robnih rezervi osiguravaju i kantoni; Efekt: unapređenje mogućnosti intervencija iz robnih rezervi u slučaju potreba; Obrađivač: Federalno ministarstvo trgovine i Federalna direkcija za robne rezerve; Rok: februar / mart 2009. god.

#### Informacije o mjeri:

Na 99. sjednici od 15.04.2009 god. Vlada FBiH razmatrala navedenu analizu i usvojila određene zaključke:

Kadrovske i organizacione probleme u Federalnoj direkciji robnih rezervi treba rješavati kroz donošenje odgovarajućih pravilnika i utvrđene procedure prijema novih zaposlenika; Putem Federalne uprave za inspeksijske poslove treba provesti detaljnu kontrolu postojećih skladišnih kapaciteta koje koristi Federalna direkcija i pristupiti sistemskom rješavanju ovog problema, i ujedno razmotriti mogućnost za kupovinu vlastitih skladišnih kapaciteta. Odmah pristupiti izradi novog zakona o federalnim robnim rezervama, u kojem bi, radi operativnijeg planiranja, trebalo popisati obavezu saradnje sa kantonalnim vladama.

## **Generalni sekretariat Vlade FBiH**

### **1. Izmjene i dopune Poslovnika o radu Vlade Federacije Bosne i Hercegovine (prva prioriteta skupina)**

Cilj: osigurati da materijali: zakoni, uredbe i odluke koje raspravlja Vlada Federacije BiH, moraju biti opskrbljeni mišljenjem Ekonomsko socijalnog vijeća za teritorij FBiH; Efekt: bolja usaglašenost socijalnih partnera o ponuđenim rješenjima; Obrađivač: Generalni sekretariat Vlade F BiH; Rok: januar / februar 2009. god.

#### Informacije o mjeri:

## **Agencija za bankarstvo FBiH**

### **1. Odluka o minimalnim standardima za upravljanje kreditnim rizikom i klasifikaciju aktive banaka (prva prioritetna skupina)**

Cilj: zadržati postojeća rješenja; Efekti: Zahtjev FSAP projekta Međunarodnog monetarnog fonda i Svjetske banke je bio pooštavanje klasifikacije aktive banaka skraćanjem vremena dospelosti potraživanja za pojedine kategorije klasifikacije i povećanje postotka rezervi za iste. Pošto bi to rezultiralo većim troškovima banaka i dodatnim opterećenjem privrede, a cijeni se da su dosadašnji zahtjevi za rezervama dostatni i u skladu sa standardima i praksama, generalno u svijetu, Odluku o minimalnim standardima za upravljanje kreditnim rizikom i klasifikaciju aktive banaka ne mijenjati u 2009. Godini; Obrađivač: Agencija za bankarstvo FBiH; Rok: odmah

#### Informacija o mjeri:

Agencija je postupila u skladu sa utvrđenim mjerama, tj u 2009. god. nije promjenjana Odluka o minimalnim standardima za upravljanje kreditnim rizikom i klasifikaciju aktive, te nisu pooštavani uslovi za klasifikaciju aktive skraćanjem vremena dospelosti potraživanja za pojedine kategorije klasifikacije, ni povećani procenti reserve za iste.

## **Federalna direkcija za auto-ceste**

### **1. Strategija razvoja mreža autocesta i brzih cesta (druga prioritetna skupina)**

Cilj: donijeti strategiju; Efekat: stvaranje uslova za izgradnju; Obrađivač: Federalna direkcija za auto-cesta i Federalna direkcija cesta; Rok: mart 2009. god.

#### Informacije o mjeri:

Vlada Federacije BiH, na 86. sjednici održanoj 21.01.2009. god. donijela Odluku o usvajanju Strategije i akcionog plana razvoja mreže autoceste i brzih cesta na području Federacije BiH.

**Urađene Mjere iz Operativnog plana za implementaciju socijalnog sporazuma:**

1. Program podrške firmama koje bi mogle biti pogođene globalnom ekonomskom krizom (Ovaj akt je zamjenjen aktom Informacija o stanju metalne, elektro i namjenske industrije u FBiH sa analizom utjecaja recesije i zaključaka Vlade federacije BiH);
2. Reprogramiranje kredita stanovništva u 2009. Godini;
3. Odluka o minimalnim standardima za upravljanje kreditnim rizikom i klasifikaciju active banaka;
4. Izmjene i dopune Zakon o doprinosima;
5. Dopune Zakona o porezu na dobit;
6. Izmjene i dopune Zakona o djelimičnom otpisu dospjelih a neuplaćenih doprinosa;
7. Izmjene i dopune Zakona o turističkoj djelatnosti;
8. Izmjene i dopune Uredbe o članarinama u turističkim zajednicama;
9. Zakon o plaćama i drugim materijalnim pravima članova organa upravljanja i institucija FBiH javnih preduzeća u većinskom vlasništvu Federacije BiH;
10. Izmjene i dopune Zakona o osnovama socijalne zaštite, zaštite civilnih žrtava rata i zaštite porodica sa djecom;
11. Zakon o pravima branitelja i članova njihove porodice;
12. **Zaštita plata radnika sa najnižim primanjima-usklađivanje najniže bruto satnice sa porastom troškova života** (Federalno ministarstvo rada i socijalne politike periodično sačinjava analize potrošačkih cijena u FBiH. S obzirom, da prema podacima federalnog zavoda za statistiku u posljedne vrijeme nije bilo povećanja indeksa potrošačkih cijena u FBiH, nije bilo ni inicijative od strane Vlade FBiH da se donese nova odluka o povećanju najniže neto i bruto satnice.);
13. **Stanje funkcionalnosti i efikasnosti vanbudžetskih fondova i drugih institucija u socijalnom sektoru sa prijedlogom mjera za učešće predstavnika sindikata i poslodavaca u upravljanju ovim fondovima** (Važeći Zakon o posredovanju u zapošljavanju i socijalnoj sigurnosti nezaposlenih osoba nije prepreka da predstavnici sindikata i poslodavaca učestvuju u upravljanju zavodom, odnosno službama za zapošljavanje. Također, postojeći Zakon o organizaciji mirovinskog i invalidskog osiguranja Federacije BiH ("Službene novine Federacije BiH" broj 49/00, 32/01 i 18/05), i drugi propisi kojima je uređeno pitanje organizacije i rada Federalnog zavoda za mirovinsko i invalidsko osiguranje, nisu prepreka za učešće predstavnika sindikata i poslodavaca u upravljanju zavodom.);
14. **Analiza stanja u oblasti ocjene radne sposobnosti i invalidnosti sa prijedlogom mjera za unapređenje stanja;**
15. **Analiza stanja razvijenosti malog i srednjeg poduzetništva sa prijedlogom mjera;**
16. **Implementacija strategije razvoja malog i srednjeg poduzetništva u FBiH;**
17. **Program podrške malim i srednjim preduzećima iz predpristupnih fondova EU;**
18. **Strategija razvoja elektroenergetskog sektora sa prijedlogom prioriteta;**
19. **Strategija razvoja mreža autocesta i brzih cesta;**

20. Analiza institucionalne i organizacione racionalnosti u zdravstvenom osiguranju sa prijedlogom prioriteta;
21. Analiza stanja u oblasti srednjeg obrazovanja sa prijedlogom mjera za usklađivanje sa potrebama privrede;
22. Analiza stanja sa mjerama za unapređenje u oblasti robnih rezervi.

**U toku izrade ili usvajanja su Mjere iz Operativnog plana za implementaciju socijalnog sporazuma:**

1. Izmjene i dopune Zakon o šumama;
2. Izmjene i dopune Općeg kolektivnog ugovora;
3. Plan mjera i aktivnosti na uspostavi centralnog registra korisnika boračkih i socijalnih davanja;
4. Razvoj industrijske politike u FBiH (projekat je urađen i bit će prosljeđen Vladi FBiHna usvajanje);
5. Zakon o radu;
6. Zakon o privrednim društvima;
7. Zakon o privrednim komorama;
8. Analiza stanja i mjera za unapređenje procesa privatizacije u FBiH;
9. Zakon o reviziji i kontroli privatizacije (Nacrt zakona je usvojen, Predstavnički dom 29.09.2009. Dom naroda 26.10.2009 god.);
10. Stanje i mogućnosti podizanja namjenske industrije sa prijedlogom mjera (Projekat je urađen i bit će upućen Vladi FBiHna razmatranje i usvajanje);
11. Zakon o profesionalnoj rehabilitaciji i zapošljavanju osoba sa invaliditetom (Navedeni Zakon je usvojen u zadatom roku (februar/veljača-mart/ožujak 2009. God.) ali u različitim tekstovima, te se nalazi još na usaglašavanju u domovima Parlamenta federacije BiH);
12. Zakon o partnerstvu javnog i privatnog sektora;
13. Program razvoja gasne mreže u FBiH (Ovaj projekat se realizira planiranim tempom u FBiH s time što se i dalje vode pregovori sa Republikom srpskom vezano za pravac B. Brod-Zenica.);
14. Zakon o električnoj energiji;
15. Uredba o proizvodnji električne energije iz obnovljivih izvora energije i kogeneracije;
16. Zakon o garancijskom Fondu;
17. Analiza institucionalne i organizacione racionalnosti u osiguranju za slučaj nezaposlenosti sa prijedlogom mjera.

**Nisu urađene Mjere iz Operativnog plana za implementaciju socijalnog sporazuma:**

1. Izmjene i dopune Zakona o bankama;
2. Izmjene i dopune Zakona o vodama;
3. Plan zaštite potrošača električne energije i gasa;